

李應龍俱金十張景吳楊齊芳王四維俱紀錄

田雨耕廕錦衣衛正千戶世襲金四十幣三吳堯年鄭士毅
許顯純張元孫李大壽于日升俱進一級金一十幣二楊夏
孫雲鶴左右都督崔應元都督同知仍北鎮撫司理刑原廢
指揮僉事世襲孫世卿進南鎮撫司僉書劉應治等百四十
六人各進一級

張承爵為太僕少卿楊 洪周國各改尚書司少卿王猶龍
改光祿少卿各加從三品服邵樹德為禮部儀制節中表承
恩唐尚忠各員外郎周承禹主事黃繼光為大理左寺副楊
振龍進正六品俸原抱奇于繼鯨朱國詒各大理左寺副李

唐虞際沈廷松各左評事顧名遠文華殿中書舍人

邵輔惠進一級金二十幣一姚宗文許宗禮阮大鍼曹思誠

劉廷元羅尚忠馮三元各進一級金幣同餘各有差

乙卯諭東林奸徒未盡或流言蜚書令廠衛城捕緝之

葛雷亮為南京尚寶司卿

賜魏忠賢田千頃加祿五千石

丁巳 張之郁葉憲祖進太僕少卿仍舊任

潘達以熊廷弼黨削籍

順天府丞劉志選叅外戚張國紀怙惡不悛有去外家輯睦
則國母之壺德彌光戚畹請張即 聖主之優容亦過恐區

區習禮省愆未拜官方之謗而塞道路之口甚至訾及於丹山之穴藍田之種者此又臣之所不敢深言也 上責國紀洗心滌慮毋自取罪

談遷曰閣媪方張蔑視我。后思閉長門之影造紈扇之怨劉京兆望指而投彌天設罟果如其意豈止王聖構隙令萱盡聰已耶京兆於、神廟時翼儲抗議晚極狂悖此曹子立名非真終自敗露也

己未兩廣總督何士晉太常寺少卿程註各下撫按追贓給事中沈惟炳削奪官誥驗封主事程良等以註之子除名永不叙蓋直隸巡按御史梁夢環論之

高汝斌曰逆璫竊柄報復之害至父子兄弟戚友橫加被累如因程註及程良等因孫居相及孫鼎相因楊連及楊金通因魏允中及魏光緒因劉鐸及劉垂室因李應昇及張捷因周起元及張廷拱因張光前及張雲鵬因劉大受及王心一此類未可枚舉其禍蔓愈廣令人莫可控揣嗟嗟舍軍國之大計而修同姓之小嫌以有用之精神而報無端之恩怨國家何賴有此臣子哉

兵部左侍郎魏應嘉罷

壬戌范景文為太常少卿提督四夷館添注

郭吳治陳王庭賈毓祥並為大僕少卿仍舊任給事中周用

竇彭汝楠御史王夢尹王業浩並削籍時吏部敘錄殿坊分
別邪正

曹思誠戶部尚書仍署吏部左侍郎馮三元為左副都御史
邵輔忠進兵部尚書仍署太常少卿事劉廷元進左都御史
單明詡進太僕少卿並仍舊任

沈應明

周汝弼削籍

巡按陝西御史王大年舉劾方面也

丙寅徽州知府石萬程削奪官誥以託疾故

給寧國公田千頃并前田共二千頃

陝西叅政王則古坐門戶削奪官誥

朝鮮國王李倬奏調助兵食且訴其困諭以覽王奏忠貞之
忱得於言表朕甚嘉之鎮軍久懸遼兵雜處微王言朕不坐
照萬里之外予雖然建州非愛王之國而不攻也毛帥在中
朝牽制之若在同亦唇齒之形海上芻蕘既近該部區畫剋
期接濟赴難遼民或鎮此可籍或別島可分或內地可徙裨
毋重為王累併力洽心王亦重勉之

王行百里豈半九十乎所開尹文等事傳訛之言不足介意
朕注念屬國當不減王之傾心於朕也

札部即中洪敷教罷時推保定知府以武長春故免之

十一月庚午朔工部尚書薛鳳翔請寧國公第價除前萬九千

金外宜三萬五千二百八十一金

丁丑叙孝陵功廕廠臣錦衣指揮僉事世襲王体乾梁棟李永貞石元雅徐文輔各副千戶南京太監劉敬楊國瑞胡良輔副千戶王可進劉文燿李承恩楊奎各百戶南京工部尚書張鶴鳴廕入監餘賜金幣

給事中張鵬雲削奪官誥以門戶也

己卯南京戶部尚書畢自嚴兵部尚書許弘綱罷

趙士煥免

以緝礦賊廕廠臣錦衣指揮同知

壬午 韓于宣削奪官誥以違限又門戶也

馮時行為太僕少卿轄西路

癸未南京右都御史朱一桂勒免

以山海關工竣廕廠臣錦衣指揮同知劉應坤正千戶紀用

陶文副千戶孫茂霖武俊王蒞朝楊朝百戶各世襲

乙酉卯刺南京地震

丙戌廕廠臣錦衣衛指揮使陶文正千戶楊朝副千戶世襲以修喜峰口功

田吉為太常寺少卿仍署職方司員外郎

己丑右副都御史郭尚賓坐黨削奪官誥時推刑部左侍郎廕魏忠賢錦衣衛都指揮同知以順天巡撫劉詔疏秋防也

辛卯劉廷元為南京兵部尚書

兵部左侍郎袁可立進尚書致仕

壬辰田仰為尚書司卿

禮部右侍郎唐大章左諭德劉鴻訓國子司業劉鍾英並削奪官誥以門戶也

特命太監葛九思鎮守宣大山西張守成李應江副之田奉張大興為中軍各駐鎮城清軍核餉

甲午寧夏地震

陝西道御史高弘圖罷謂託疾規避也

乙未順天府尹李春茂報賑飢云、皇上施行於前厥臣繼

踵於後

叙甘肅功蔭魏忠賢錦衣指揮使王休乾梁棟李永貞石元

雅涂文輔李實劉應坤各指揮僉事

進黃立極少傅兼太子太傅吏部尚書建極殿大學士蔭錦

衣指揮使世襲賜金五十幣二坐蟒衣一施鳳來李國楷張

瑞圖並少保兼太子太保戶部尚書武英殿大學士蔭指揮

僉事金四十幣二

李宗延賜金三十幣二董漢儒趙彥進太子太保金三十幣

二蔭錦衣正千戶世襲王在晉太子少保金幣同馮嘉會太

子太傅蔭錦衣指揮僉事世襲金四十飛魚服一袁可立邵

輔忠金三十幣二朱童蒙霍鎮劉其忠各金五郭興治金十
五李魯生蔣國觀袁玉佩各金十吳淳夫金十五張爾嘉耿
如祀董承詔郭世隆廖起猷各進一級金十五其署印見任
各加金十田吉寧之翰各金十劉永昌等同李起元進太子
太傅世錦衣衛揮僉事金四十緋蟒衣一李從心太子太保
世錦衣正千戶金四十飛魚服一總兵董繼舒進都督同知
世本衛副千戶金二十郭之寧錄用金同曹司收進俸一級
吏部紀錄餘賚叙有差

丁酉直隸巡按御史梁克順以門戶削奪官誥
浙江布政司 參議戴君思加太僕少卿

御史李應魁免以巡城時賄聞

諭褒魏忠賢宣勞潛邸不言丙吉之舊恩戮力中樞式啟周
宣之新運時賜羊酒銀幣仍宣史館於戲四星帝座參元象
於三台六典周官重吉士於內尹

戊戌御史房可壯游士任

楊嘉祚

並侵帑各

下撫按訊之勒期追解以御史張汝懋論之

江西布政真憲時以楊連荐削奪官誥

楊邦憲為右僉都御史巡撫江西

安邦彥攻白納司官軍擊敗之諸將分道出戰各有功
十二月己亥朔寧國公府成命工部尚書徐大化落之

庚子類奏緝獲功廢魏忠賢錦衣指揮使楊寰孫雲鶴進
子太保

壬寅後府經歷張汶下鎮撫司英國公張維賢論其貪酷處
政也汶多吏議宜斥後亦議卹如清論何

丁未吳淳大為右副都御史署太僕卿事

揚州知府朱大典罷時推四川副使謂父依門戶也

戶部主事詹以晉削籍

庚戌

張惟任勒致仕大理寺丞彭維城削奪官誥謂

父依門戶也

辛未大理寺卿董光宏應天府尹祝以函

陸夢祖

歸子顧各請老許之進工部右侍郎

以緝盜功廢魏忠賢錦衣衛指揮同知

壬子逮前刑部右侍郎王之寀以順天府丞劉志選劾之

遼東巡撫袁崇煥遣西番喇嘛僧弔可汗於瀋陽以金方納

温台什至獻貂參銀鞍事聞諭以驕則速遣之馴則徐間之

無厭之求慎毋輕許有備之跡須使明知嚴婉互用操縱兼

施勿挑其怒勿墮其校

巡城御史門克新緝吳人顧同寅孫文豸下法司熊廷弼嘗

贈同寅玉帶同寅私祠廷弼陳帶而哭文豸有弔廷弼詩又

誹謗論一首

已未吳濬夫為工部右侍郎兼理殿門事務吳應琦為大理寺卿商周祚為南京工部尚書

寧夏不空寺堡地震山崩

壬戌御史馬鳴世劾奪官誥以邪黨也

南京太監劉敬請祠魏忠賢賜額崇勲

癸亥起丁啟濬南京太僕寺卿

徐天衢劾奪官誥謂久依門戶也

交首莫敬寬襲婦順州初歸順土官岑大倫與敬寬結盟締好因黎維祺侵之敬寬竄歸順倫乘敗縛寬送維祺遂執寬妻收所有後莫首脫歸遂襲歸順揆州印執倫及子繼紀繼

綱繼常而去時撫臣宣諭莫首獻印留綱常為質婦繼紀途殞又詭遣常還常乳父常登欲常永襲許賂莫殺綱以絕爭端莫首聞常已襲索賂登意綱已死背之莫首後寇婦順

丙寅許給雲州歸化三泊南寧河陽元謀各儒學印見後

丁卯天啟七年

正月己巳朔辛未逮山西懷來道右布政立志充至下鎮無獄以

餉金三千託太醫院吏目王家棟營京堂東廠跡之論

壬申先是諭兵部新陞薊鎮西協副總兵崔凝秀進府衙還府今多事不宜紛更盧抱忠仍西協副總兵改王維城南京北教場至是兵部奏上竟進抱忠總兵衙仍西協副總兵事

王維城貪怯刑籍崔凝秀如議

過庭訓為應天府尹

錦衣衛指揮同知沈嘉慶為南鎮撫司金書

癸酉兵部言三王之國順天尹李春茂徵車四千四百四十三輛役八千四百九十六人童借回金萬有五千餘令尹自措

上命同寺給二萬勅治中潘舜馳會各道議之

甲戌 上親享太廟

給山海太監紀用勅章

命南直撫按入吳養春貶六十萬

諭內閣以司禮太監涂文輔總督太倉銀庫節慎庫太監崔

文昇李明道總督漕運疏通河道覈京通等倉

乙亥傳太常寺昨享太廟捧爵執事官躡短白鞋殊襲令杖

給順天尹李春茂萬金助藩費

丙子刑科給事中杜齊芳削奪以門戶也

鎮撫司以丘志充獄上坐贓九千金有奇廢魏忠賢錦衣指

揮使勅勞金幣

鳳陽署戶李春先等請立魏忠賢祠賜額懷仁

丁丑御史何廷樞巡按應天汪裕巡按宣府

戊寅詹事蕭命官推南京禮部右侍郎坐門戶削奪

詹事府禮部尚書駱從宇罷吏部左侍郎汪輝削奪時從軍
推禮部尚書輝次之

殺太倉黜生孫文身崑山監生顧同寅

兵部尚書王永光撤各班軍修山海四城 上以邊地早寒

令秋班與春班偕至便工作

己卯光祿少卿倫肇修為大理右少卿

削奪党人大理寺右少卿陳胤叢 汪康謠

魏忠賢以賜第餘金修山海寧遠城世錦衣指揮使

黃陂諸生熊于宣欲奪袁三婦麗氏氏先殺幼女自剄命立

坊旌其烈

南京鴻臚卿張崇札為南京通政使

御史智鉅言遼東督撫王之臣袁崇煥以喇嘛一行執意各

忤國家不堪再悞不若調王之臣於密雲專禦其西調閩鳴

泰於閩門責之禦東大學士黃立極議如故使

雲南巡撫閔洪學巡按御史朱泰禎奏雲州歸化三泊南寧

河陽元謀宜立儒學給印從之

辛巳夜月犯軒轅大星

勅後府吏戶禮兵部曰朕弟信王年已長其歲祿萬石今在

京歲支米三千石鈔萬貫待之國米全支如會典選王府官

今在京先給校尉三百軍一百

壬午勅戶部給三王儀衛群牧等官及校尉軍士俸廩工部給居費

仍設孟河欽總官

甘肅巡撫王家楨言銀互近犯鎮番酋長三見台吉創死遂糾河套土巴台吉分犯威勝堡諸處總兵徐永壽率鎮番副總兵官惟賢西協副總兵陳洪範涼州副總兵等分禦之共斬百六十級決旬始適事下兵部

癸未大學士黃立極等議總兵王之臣巡撫袁崇煥仍如故使

甲申諭刑部前喜峯口差官楊所見盜市貢馬與秦將馬士

麟無預司官不奉旨私訊其奏上

諭兵部傳毛文龍整兵搗巢為閩寧後勅

乙酉建人數萬騎襲朝鮮義州陷之殺節度使李筵等已至定州安州殺防禦使金陵等平壤黃州不戰而潰李侗走孤島

丙戌京師地震有聲

戊子盜殺桃源知縣管九功掠庫獄典史林天相僅身免兵部奏山海太監劉應坤元應乾原廕錦衣指揮使進都督同知中府帶俸

工部尚書薛鳳翔言工部郎中徐伯徵稱南京搜大內廢銅

鑄錢給工厥臣魏忠賢輸賞五金市銅助鑄上善之
潯州盜殺守備蔡文龍

庚寅 信王辭景府田租六千三百餘金命以汝王福玉遺
租給之

類叙三年捕獲功魏忠賢世錦衣指揮使提督張休乾右都
督郭欽左都督副總兵王家賓游擊王文烈等各陞賞有差
兵部尚書馬嘉會言登萊巡撫李嵩連雲島之提島在覺華
島之左距三岔河四百里東師屯而作舟官兵夜襲盡焚其
營斬十九級命進李嵩及道臣岳駿聲一級總兵楊國棟進
右都督國棟者魏忠賢名下曹承恩之姊夫也

辛卯太常少卿王志道為右通政削奪光祿少卿王伉以黨
故

免潼關咸陽權稅陝西巡按御史莊祖謙之請

吏部尚書周應秋言前修撰文震孟編修陳仁錫庶吉士鄭
鄴以孫文彥等株累奉旨並削奪官誥因誦厥臣功德報可
趣前兩淮巡鹽御史徐縉芳贓四萬四千餘金助工

壬辰福建左布政黃景章為南京光祿寺卿攝鴻臚事尚書
司卿王繼曾為大理左少卿

詹事李孫宸為南京礼部右侍郎陪推詹事曾楚卿削奪以
出張萬門

御史吳尚默巡青御史劉重慶罷以楊連黨也
朶顏三衛危正打喇罕等貢馬

巡漕御史何可及言漕事一剝運放空船一留津速空船一
委官催空船得旨申飭剝運餘下部

癸巳尚寶司丞蔣一駉為光祿少卿

甲午來宗道為禮部尚書兼學士南京工部右侍郎李逢節
為兵部右侍郎兼右僉都御史總督兩廣軍務巡撫廣東
遼東巡撫袁崇煥上言金師使金方納溫台什九人來款詰
其起兵云獵耳乘便掠西部決不敢擅入寧前又投漢文稟
將向時皇帝改汗字如虎墩之稱而仍彼國號因還其書留

其來目暫放一二人歸令易天聰年號遵正朔方与代奏

上報曰來書聽信非易侵地當諭令還叛人今獻不止去僭
號奉正朔一紙書數字改換便可釋憾銷疑也

丙申左中允林釭為左諭德兼侍講署國子司業

前通政使馮從龍為尚寶司卿

大理右寺正許志吉往淮揚同撫按籍吳養春引鹽貨產志吉
初請遣廉幹者任之即命焉以故相許國孫嚴逮鄉人無不
切齒

山東巡撫李精白言三王道費乞如福王例支庫金八萬
八千米六萬石上以時詘視順天府酌裁天津巡撫黃運

泰言 福王徃例實一萬七千九百餘金米二萬六千六百
六十餘石今三王並封支應倍其二乞准前七年馬價五萬
三千金發天津倉米七萬九千石 上不許如順天例
應天巡撫毛鷺巡按御史王洪立魏忠賢祠於虎丘山宣大總
督張樸巡撫秦士文巡按張素養各祠魏忠賢 上善之
福建副使蔣英削籍謂久依門戶也

刑部尚書薛貞言前甘肅巡撫李若星以賂趙南星開府擬
成從之仍下撫按杖之百

二月戊戌朔祭太社太稷遣成國公張惟賢
故南京刑部尚書吳崇禮贈太子太保廕監

倉場總督蘓茂相言津撫黃運泰暫借凍糧以帶運抵補許
之第帶運遼糧例不興耗而漕額每石耗七升共四升二合
今津門截漕興耗共足十五萬 上如其議

禮部署事左侍郎李康先言親王就國一辭陵一辭奉先殿
一沿途禮儀一到國儀注惟辭陵重疲昌平民准令三王同
謁少寓節省從之

行人司正李徵儀削籍以首薦夏加遇也
巡按浙江御史劉之待役跋引疾命削奪

已亥寧夏各衛自正月來地震百餘壞城郭廬舍亡笑人多露
宿

進田吉太僕少卿領職方司如故

替師兵部尚書王之臣引疾去不許進太子太保還部

遼東巡撫袁崇煥以去年虧餉七萬餘石軍士告饑今天津

餉臣所截東糧求速給

庚子 信王 由檢婚死周代

登萊總兵都督同知楊國棟進右都督

御史梁夢環誣外戚張國紀草菅人命魚肉細民擅收皇稅

強取民房、上切責國紀令回原籍首愆保全終始毋貽後

悔

南京戶部右侍郎林宰予告進左侍郎

鎮守宣府大監葛九思劾撫賞所市緞匹官蕭文中唐嘉瑞

曹宗洪乾沒帑金緞匹濫惡致失遠心命下鎮撫司

司札大監王体乾言進封皇貴妃冊封容妃寧德長公主遂

平長公主信王各婚禮三王之國共該金百四十餘萬宜承

運庫御用監各一分幸廠臣樽節概蠲 上善之賡錦衣衛

指揮使賜金八十幣六鈔五千貫

壬寅廷臣謁 信王稱賀

國子祭酒馮之騏為詹事編修孔貞運為左中允直日講

遼東巡撫袁崇煥乞終制襄葬不允

癸卯 上視朝見大漢將軍前別者衣甲鮮整其後蔽服白

權夫侍衛休已責襄城伯李守鐔仍宥之
信王妃謁太廟

大學士黃立極言今早聖諭進王之臣於中樞閣鳴泰坐鎮
薊門策應閣上袁崇煥防禦寧遠以調度掄閣真主伯亞族
之相使又何患於東事哉朕臣竊有感也厥臣魏忠賢矢蓋
報國殫赤籌邊克副 皇上之託內鎮諸臣策勵綢繆又善
體厥臣之心中外臣子何独不協心并力以釋聖明東顧之
憂乎

兵部尚書馮嘉會子暎 廕錦衣指揮僉事世襲
工部計蘆溝橋石隄十一萬六千三百五十餘金命部給五

萬餘俟內府

甲辰山海城濠告竣進總督王之臣閣鳴泰太子太傅巡撫
袁崇煥進從二品服俸劉詔從三品服俸並賜金三十幣一
道臣王應夢張春並進右叅政畢自肅副使並千金總兵趙
率教滿桂並進一級賜金三十
中書舍人朱慎鍈捐金助工 上善之

總督劄遼關鳴泰順天巡撫劉詔巡按倪文煥各頌魏忠賢
捐貲撫軍發粟助賑請祠於景忠山報可

上念惠王新蒞荆卽支廢偏處事权不一特予勅凡朝賀喪
筵封婚等悉啟王額進

諭遣總督登津鎮守海外御馬太監胡良輔總督登津苗成
副之中軍御馬太監金捷郭尚札俱駐皮島與毛文龍協議
給帑金五萬紵布及砲甲等

夜月犯井宿東北第三星

丙午鑄御馬監天師庵署場內臣之章

再叙寧遠脩城功魏忠賢廢錦衣指揮使賜金五十緡幣四
鎮守太監劉應坤紀用陶文並廢錦衣指揮僉事賜金三十
幣二孫茂霖武俊廢錦衣正千戶賜金二十幣一督餉尚書
黃運泰進太子太保賜金三十幣二道臣畢自肅進一級賜
金二十都司沈承訓等加級陞補

兵部主事孫元化謀贖畫坐免

四川巡撫尹同臯言去年九月勅到遣叅將楊明輝齎入水
西示安位等如翻然悔悟擒斬首惡其餘脅從盡行赦宥被
安邦彥殺之邦彥已渡鴨池離威清二十餘里下營又報奢
崇明聯絡諸苗執不就撫惟當聚餉練兵而兵非數十萬不
可餉非百餘萬不可在督臣自有石畫臣惟厲兵秣馬聽督
臣指揮又言陝西流盜由保寧入川蹂躪廣元神宣之間天
啟六年八月神宣指揮吳三桂禦之斬三級一係賊魁十二
月又從眉林溝入犯守備王虎禦之斬紀守恩等十二人追
至寧羗界秦蜀兩道事权宜兼制乞勅陝西各道府多方緝

捕從之同輩又言松潘龍安番僕不時出沒大酋擁衆犯邊
雖經大創不可不備八月間賊番數百從黑谷山突出建武
游擊調守松龍孔全斌率官兵敗之十月間全斌又敗之十
二月間犯小河官兵禦卻之今大酋云報仇夫小河要地游
擊舟天胤已援黔乞即調全斌小河游擊以建武游擊潘之
玉補之報可

福餘三衛都指揮使打都等遣阿伯禿等貢馬
南京兵科給事中楊棟朝削籍謂久依門戶也

廣東倖中貢士莫大猷削籍房考劉軒孺先錫二級下撫按
訊其弊實

丁未大學士施鳳來釋奠太學

御史趙胤昌巡按福建劾奪陪推御史陳以瑞以門戶故

戊申賜魏良卿肩輿

己酉始御經筵

庚戌戶部郎中朱明時主事馬斯作為瑞府長史國子監丞
孔元德學錄韓世思為審理中書舍人王胤永陳可信為紀
善刑部郎中陳沃心主事李建和為惠府長史國子監丞徐
鴻起學錄王瑞錄為審理中書舍人吳士樵朱日臨為紀善
工部郎中蔣友筠主事沈立義為桂府長史國子學錄沈德
先母惠為審理中書舍人何廷玉王昌胤為紀善

貴州巡撫王璣為南京戶部右侍郎總督糧儲陪推南京
江右僉都御史胡東漸勒免

通政使趙紱山西巡撫曹楨為兵部右侍郎戶部右侍郎張
曉為左侍郎陝西巡撫張維樞為南京工部右侍郎
刑部左侍郎潘濬為南京刑部尚書陪推兵部左侍郎王之
采勒免

遼薊州兵備道參議胡士容以赴任擾驛也并諭兵部徽通
州良鄉上其役騎之數士容至下鎮撫司

辛夷命漕艘避王舟餘分行兩岸以急輸 仆檣也

山東右布政岳駿聲為光祿寺卿

登萊巡撫李嵩報東師已抵三空河東岸楊鞭則向關門鼓
柁則通海路業分水師逼之報聞

壬子兵部尚書馮嘉會言督師王之臣報東兵攻克艾州昌
城又往鉄山鉄山毛文龍所居乘其孤而攻之業檄登撫航
海策應又命餉臣補餉七萬石

連遵化道副使耿如杞以順天巡撫劉詔論其舉動乖張官
箴盡壞也詔行部肅寧至魏忠賢家祠拜謁如臣禮稱九千
九百歲因別立祠喜峰口如杞不往被糾時文書官季守質
傳內閣裁遵化道黃立極言未易裁即如杞之罪願少酌處
俾代者任封疆之寄也如杞竟出贍六千三百金論辟
澄城知縣張斗耀比糧被殺

甲寅工科給事中顧其仁御史周邦基吳世梁元柱謝奇舉
吏部員外郎張其寶並例轉削籍謂久繫門戶也

丙辰 瑞王惠王桂王同辭諸陵

代世子鼎渭嗣代王封代王妃郭氏支祿如親王初代康王

自新寧王進封禮部以宗藩條例仍支本祿故特給焉
免海州桃源田租十之五徐邳泗臨淮清河宿遷睢寧監城
十之三秦虹礪山盱眙五河蒙城顏上靈璧鳳陽興化泰興
十之二並災異議折

宣大總督張樣大同巡撫王點宣大巡按張素養各頌魏忠
賢功請祠於大同從之

督師王之臣言關城東去中前所三十五里東北去鉄場堡
三十里折而南可十餘里則一片石邊口也若兩地再拓屯
以重兵則我有負隅之勢東南至海亦三十餘里有芝麻灣
糧運所泊宜築城與中前鉄場鼎足並峙選山海騎卒各六

千住於三城以回鄉難民實之仍立倉以儲海運歲春秋班
軍約五萬即酌此派築從之

丁巳命兵部尚書邵輔忠護送桂王兵部右侍郎趙綏護送
瑞王兵部侍郎呂純如護送惠王

順天府丞劉志選為南京右僉都御史提督操江正推太僕
少卿王一中削籍以門戶故

右通政呂圖南為通政使陪推光祿寺卿詹爾達罷以門戶
故

宴琉球使臣正議大夫蔡延等禮部左侍郎李康先主之
故貴州總督兵部右侍郎蔡復一贈尚書詹監謚清憲同安

人萬曆乙未進士總督時坐搗巢失利免維候代治軍調餉
不輟卒軍中後按臣言忠勤勞瘁遂得贈卹

己未巡撫寧夏史永安為兵部右侍郎兼右僉都御史總督
陝西三邊軍務榆林兵備左布政胡廷晏為右僉都御史巡
撫陝西大僕少卿牟志夔為右僉都御史提督雁門等關兼
巡撫山西

刑部右侍郎陳九疇為左侍郎鄖陽巡撫李若珪為刑部右
侍郎

詹魏忠賢甥董芳名錦衣衛指揮使
庚申罷御史李懋芳時推陞以黨斥

前給事中郝士膏以程策訕上削籍至是撫按籍贓千三百
金擬贖徒從之

辛酉推寧夏巡撫以太常卿白儲昭太僕少卿張捷並勒免
壬戌右通政王志道為左通政太僕少卿郭存謙為右通政
浙江左布政康新民為光祿寺卿

御史姚應嘉削籍以黨斥
議修隆德殿

工部尚書言南銅鑄訖上以廠臣佐急大善之

癸亥山東左布政梁應澤為右僉都御史撫治鄖陽

甲子戶科都給事中林宗載為太常少卿御史田珍為大理

左寺丞

毛文龍援朝鮮擊建人於義州敗之

叅將王家賓進都督僉事

乙丑吏部文選郎中李夔龍為大常少卿

御史田景新免以辟差被斥

工科給事中陳維新奏工部四司額派料銀八十六萬有奇
今外解自萬曆四十四年至天啓六年共虧一百十三萬九
千七百餘金總由考成不嚴莫若將工部錢糧悉如戶部京
邊例注入考成稽覈通負類送吏部不准給由陞遷再遲叅
論謹擇其要領禁之一四司不得允支一撫按不得題留一

郡縣不得那借因頌厥臣搜括內庫蠲免外帑所節省二十
萬上以厥臣節省不下幾百萬此云二十萬猶未十之一餘
如議

丙寅辰刺金星順行於危宿

丁卯瑞王常浩言約束隨侍庖人廩人等浮費上褒荅之惠
王常潤桂王常瀛各言節愛上褒荅如前

太僕寺卿洪賡祖言國初馬政甚重事寄不分於邊軍賦不
隸於部自宣德正統間暫紓民力以馬而銀嗣是改折嘉隆
之際老庫積馬價十有餘萬新庫歲額復四十餘萬摺之銀
即馬也馬專給團營銀則給邊費今之虎墩炒化加賞之用

而馬不為邊設也銀亦不為邊餉用也儲備復為種馬之用
別衙門不得擅取而今一切以借為例何也萬曆十八年至
今戶部三十二借共銀一千二百九十九萬九千八百六十
一兩工部十借共銀十八萬七千五百四十四兩光祿寺順天
府各一借共銀四萬兩近奉藩封另劄萬八千金而問庫四
朝之積皆盡矣焉價軍國急需豈得任其積逋以致庫貯匱
乏乞勅核所借稍補百之一外解十之三餘限續完許臣等
年終類奏之日叅罰量處下所司

東廠太監魏忠賢請蠲草料命加原贖二級賜金五十緡幣
二酒貯及新鈔三千貫仍賜勅

進惠府左右長史陳沃心李建和桂府左右長史蔣友筠沈
立義服俸從二王請也先以瑞王請加長史朱明時為斯作
服俸

進魏希堯左都督世襲錦衣指揮使

降人阿引等殺奢寅來歸勅總督朱燮元重購降人阿引阿
友等佯得罪叛去懸賞捕之住边界久之寅不復疑因得通
外間約死士斬其愛將疑阿友拷掠甚毒至及寘其左足終
不服釋之寅益不快輒痛飲阿引等乘醉夜刺寅稱官兵至
餘賊盡奔焚其屍以首來獻至是燮元移鎮重慶專討水西
建議滇兵出雷益逼安效良應援而別出天生橋尋甸以絕

其走蜀兵臨畢節扼其交通之路而別出龍場岩後以奪其險黔兵由普定渡思臘河徑趨邦彥巢而陸廣鴨池搗其虛廣西出泗城分兵策應朕後大軍由遵義鼓行而前會憂去未行

三月戊辰朔前都督杜文煥為總兵鎮守寧夏

前督師王之臣言遼東撫賞諸弊在官商收貨濫惡虛

有弊

冒有弊在委官給散叢實侵欺有弊在監守抵換那移支剩不還希圖乾沒臣自去年八月接管一季額外省一萬九千六百七十八金有奇額內覈還官銀一萬五千八百六十有奇今交代之際必政有專屬督臣閻鳴泰撫臣袁崇煥乞皇

上酌定以便歸一命下部

己巳夜有流星見東北如甌大色黃赤尾光炸散燭地自天棊入紫微垣徑少宰入鈎陳尾跡化白雲而沒

庚午以緝獲廕魏忠賢錦衣指揮使世襲賜勅及金幣酒貲前川貴總督張我續捐金助工上善之

兵部上毛文龍揭云朝鮮人招東害職々堅守不拔所傷僅千人彼恨甚殺鮮人六萬燒粟百餘萬石移兵攻鮮諭以屬國不支折而入彼則益強亦非吾利傳諭文龍相札應援勿懷風嫌悞大計

順天府尹李春茂賑飢民訖頌厥臣憂國起瘠上善之

辛未上闕建極殿工

庶吉士姚明恭雷躍龍服除授簡討

南京兵部右侍郎謝啓光免時搜獲私札

初寧撫袁崇煥請修錦州中左大凌河城漸期進取議春秋班軍戍之兵部酌四萬出關督師王之臣請修山海一路邊牆及中前所鉄場堡芝麻灣城言班軍五萬已派四萬東修錦義止餘萬人不足供役兵部奏薊鎮春秋班軍兵五萬他鎮無有宜聽督撫酌緩急派用從之

直隸巡按御史楊茂春以黃山冊上言黃山介徽寧間延袤二百餘里山西北距太平縣八十餘里細民之業山東南距

歙縣百二十里共計山七千七百餘畝其吳養春山三千四百畝前旨變價二十萬自養春之山論也謂多年木植利不下二十萬似概山而論也除養春叁千四百四十六畝入官之山罰其逋稅變贖助工外至原屬百姓容糶採納稅上從之

夜水星逆犯房宿

時江浙湖廣漕艘回滯令泊衣儀各巡撫糧道募民舡給軍其耗米補贖費至閩蕪松民極言不便未允而郡縣拘民舡不勝其擾漕卒莫厚糶又不利民相譁竟寢初議

壬申宴泰寧諸衛貢使脫孫孛羅等